

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 27.10.2017թ. թիվ 1707008796 որոշումն անփոփոխ, իսկ վարչական բողոքն առանց բավարարման թողնելու մասին

<<24>> 11 2017թ. 17-4-33108

ք.Երևան

ՀՀ ոստիկանության ճանապարհային ոստիկանության պեժ, ոստիկանության գնդապետ Ե.Կարապետյանս, վերանայելով Տիգրան Խաչիյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Կ.Ուլենցու փողոցի 49-րդ շենքի 5-րդ բնակարանի բնակիչ Տիգրան Խաչիյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 27.10.2017թ. թիվ 1707008796 որոշումը՝ նշելով, որ համացանցում առկա տեսանյութի տևողությունը 0,8 վայրկյան է և իր կողմից հասկանալի չէ իրավախախտման փաստը:

Դիմումի քննարկման և տեղանքի լրացուցիչ ուսումնասիրման արդյունքում պարզվել է, որ դիմումատուի փաստարկը չի համապատասխանում իրականությանը և ճանապարհային ոստիկանության վարչական տույժ նշանակելու մասին 27.10.2017թ. թիվ 1707008796 որոշումն օրինական է և հիմնավոր, քանի որ Երևան քաղաքի Սայաթ-Նովա - Տերյան փողոցների խաչմերուկի հարվածը կահավորված է 5.15.1՝ «Երթևեկության ուղղությունները գոտիներով» ճանապարհային նշանով, իսկ դիմումատուն 12.10.2017թ-ին ժամը՝ 22:40-ին նշված վայրում միայն աջ թույլատրող երթևեկության գոտուց երթևեկել է ուղիղ, հետևաբար թույլ տվել Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասով նախատեսված արարք:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 27.10.2017թ. թիվ 1707008796 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Տիգրան Խաչիյանին և ՃՈ ՏՄՀԽԱ կենտրոն:



Ե.Կարապետյան